

# ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՏԱՐԱԿՈՒԹՅՈՒՆՆԵՐԸ

Սովետական Հայաստանում մշակվում են գիտության ամենատարբեր ճյուղերին վերաբերող պրոբլեմներ, որոնք իրենց արտաքուլումն են գտնում նաև Հայկական ՍՍՌ Գիտությունների ակադեմիայի հրատարակությունների մեջ:

Մեծ շափերի է հասել հրատարակչության աշխատանքների ծավալը: Միայն 1954—1955 թթ. հրատարակվել է 230 անուն գիրք, 2.230 տպագրական մամուլ ընդհանուր ծավալով:

Գիտությունների ակադեմիայի հրատարակչության լույս են տեսել՝ Վ. Հարությունյանի և Կ. Հովհաննիսյանի «Սովետական Հայաստանի ճարտարագիտությունը», ակադեմիայի իսկական անդամ Մ. Ներսիսյանի «Հայ ժողովրդի ազատագրական պայքարը թյուրքական բռնապետության դեմ», Ա. Արաճապանի «Հայերենի դերբայները և ներանց ձևաբանական նշանակությունը», պրոֆ. Խ. Մոմջյանի «Հաֆարգը և մարքսիստական թեորիայի մի քանի հարցեր», պրոֆ. Ա. Տերտերյանի «Պերճ Պոռչյան» մենագրությունը, Ա. Հակոբյանի և Հ. Էլչիրեկյանի «Ուրվագծեր Սովետական Հայաստանի պատմության», Ս. Սարգսյանի «Պալեոլիթը Հայաստանում», Ա. Ասլանյանի «Հետազոտություններ կրթության տեղադրման դեֆորմացիայի տեսության վերաբերյալ» աշխատությունները: Հրատարակվել են պրոֆեսորներ Կ. Ղաֆադարյանի, Բ. Առաքելյանի, Բ. Պիոտրովսկու հնագիտական պեղումներին վերաբերող փաստալից ու հետաքրքիր ուսումնասիրությունները:

Գիտությունների ակադեմիայի հրատարակչությունը մեծ ուշադրություն է դարձնում հայ ժողովրդի պատմության վերաբերյալ գիտական գրականության հրատարակմանը: «Նյութեր հայ ժողովրդի պատմության» սերիայով լույս են ընծայվել այնպիսի կարևոր աշխատություններ, ինչպիսիք են՝ Լ. Խաչիկյանի կազմած՝ 14 և 15-րդ դարերի «Հայերեն ձևագրերի հիշատակարաններ»-ի երկու մեծածավալ գրքերը, Վ. Հակոբյանի պատրաստած «Մանր ժամանակագրություններ»-ի Ա. մասը և այլ աշխատություններ:

Քիչ աշխատանք չի կատարվում հայ սկզբնաղբյուրները ուսանելու և օտար լեզուներով թարգմանելու բնագավառում: Արդեն լույս են տեսել Փավստոս Բյուզանդի «Պատմությունը», Մխիթար Գոշի «Ռատաստանագիրքը», Մխիթար Հերացու «Ջերմաց Մխիթարություն» գործերի ուսանելի թարգմանությունները:

Կարևոր գործ է պատմության ինստիտուտի աշխատակից Հ. Անասյանի «Հայ մատենագրություն» 10 հատորանոց աշխատությունը, որի առաջին հատորը հանձնված է

## ՍՈՍ ԳԵՎՈՐԳՅԱՆ Հայկական ՍՍՌ Գիտությունների ակադեմիայի հրատարակչության դիրեկտոր

տպագրության: Այստեղ ամենայն մանրամասնությամբ տրված է հայ ողջ մատենագրությունը՝ ինքնուրույն և թարգմանական, ըստ որում լուծված են նաև բանասիրական բազմաթիվ լուրջ հարցեր:

Հայկական ՍՍՌ Գիտությունների ակադեմիայի Մ. Արեղյանի անվան գրականության ինստիտուտը լույս է ընծայել հայ գրականության կլասիկներ Խ. Արքայանի, Մ. Նալբանդյանի, Գ. Սուրբուկյանի, Հ. Թումանյանի երկերի ակադեմիական հրատարակությունները, տպագրության պրոցեսում է Մ. Նալբանդյանին վերաբերող փաստաթղթերի ժողովածու, ինչպես նաև Հ. Հակոբյանի երկերի ակադեմիական հրատարակությունը: 1954—1955 թթ. ընթացքում այս ինստիտուտը հրատարակել է 34 անուն գիրք, որոնցից 26-ը ինքնուրույն ուսումնասիրություններ են: Դրանք լայն հետաքրքրություն են առաջացրել ընթերցող հասարակության մեջ և արժանացել են գրական դնահատականի:

Ակադեմիայի հրատարակչությունը լույս է ընծայում մեծածավալ գիտական, հանգուցյալ Հ. Աճառյանի «Լիակատար քերականություն հայոց լեզվի», 569 լեզուների համեմատությամբ 10 հատորանոց մեծ արժեք ներկայացնող աշխատությունը, որի երեք հատորները արդեն լույս են տեսել պրոֆ. Էդ Աղայանի խմբագրությամբ:

Լեզվի ինստիտուտի գիտական կոլեկտիվի ամենակարևոր աշխատանքներից պետք է համարել ուսուցանել քառահատոր մեծ բառարանի ստեղծումը, որի առաջին հատորը լույս է տեսել, երկրորդ հատորը տպագրվում է, իսկ վերջին երկու հատորները պատրաստվում են հրատարակչության հանձնելու:

Ակադեմիայի արվեստների պատմության ու տեսության սեկտորը հրատարակել է Ա. Մնացականյանի «Հայկական զարգարվեստ» մեծածավալ մենագրությունը, որը հեղինակի երկար տարիների գիտական քրոնիկայի աշխատանքի արդյունքն է: Նույն սեկտորը հրատարակել է Ռ. Դրամիսյանի ուսումնասիրությունը՝ նվիրված նկարիչ Նղիշ Թադևոսյանին, Մ. Սարգսյանի «Մարտիրոս Սարյան» գիրքը և այլ աշխատություններ:

Ակադեմիայի հրատարակչությունների մեջ մեծ տեղ է գրավում Հայաստանի ժողովրդական տնտեսության տարբեր ճյուղերի վերաբերյալ գիտական հետազոտությունների հրատարակումը:

Վերջերս լույս ընծայվեց Ակադեմիայի տնտեսագիտական ինստիտուտի կոլեկտիվի կողմից պատրաստված «Սովետական Հայաստանը 35 տարում» աշխատությունը, որտեղ հարուստ փաստերով ներկայացված է ռեսպուբլիկայի տնտեսության զարգացման պատկերը:

Ակադեմիայի հրատարակչական պլաններում ընդգրկվում են գիտության գրեթե բոլոր ճյուղերը: Լույս են տեսել աշխատություններ մաթեմատիկայի, աստղագիտության, բժշկության, երկրաբանության, աշխարհագրության, գյուղատնտեսության և այլ մասնագիտությունների գծով:

Ակադեմիայի Վ. Համբարձումյանի անվան ղեկավարությունը հրատարակել են Բյուրականի աստղագիտության հաղորդումների և ակադեմիայի ղեկուցների բազմաթիվ հատորներ ու պրակներ, որոնք արժանացել են գիտականների բարձր գնահատականին:

Բուսաբանական ինստիտուտի կոլեկտիվը պրոֆ. Ա. Թախթաջյանի խմբագրությամբ պատրաստել և հրատարակել է «Հայաստանի ֆլորան» աշխատության առաջին հատորը: Այս ինստիտուտի գծով հրատարակվել է նաև պրոֆ. Վ. Ղազարյանի «Երկամյա բույսերի զարգացման ֆիզիոլոգիական առանձնահատկությունները» և «Միամյա բույսերի զարգացման և ծերացման ստորհիսականությունը» արժեքավոր մենագրությունները:

Ակադեմիայի հրատարակչությունների մեջ ոչ պակաս կարևոր նշանակություն ունեն պարբերաբար հրատարակվող «Տեղեկագրերը»՝ հասարակական, բիոլոգիական և գյուղատնտեսական, ֆիզիկո-մաթեմատիկական ու տեխնիկական գիտությունների գծով: Այդ «տեղեկագրերում» տպագրվում են գիտության համապատասխան ճյուղերին վերաբերող արժեքավոր հոդվածներ ու հաղորդումներ:

1956 թվականին ավելի կընդարձակվի ակադեմիայի հրատարակչության պլանը: 1956 թվականին հրատարակվելու է 155 անուն գիտական գրականություն՝ 1500 տպագրական թերթ ընդհանուր ծավալով: Այդ թվում հրատարակվելու են ուսուցանելի բառարանի 2-րդ հատորը, ակադեմիայի Վ. Համբարձումյանի «Աստղային ասոցիացիաներ» աշխատությունը, ակադեմիայի թղթակից-անդամ Մ. Երեմյանի մենագրությունը՝ «Ստրատիգիական հասարակագրությունը հին Հայաստանում», ակադեմիայի իսկական անդամ Մ. Ներսիսյանի «Ռուս-հայ հարաբերությունների պատմությունը», պատմական գիտ. դոկտոր Բ. Առաքելյանի «Հայաստանի քաղաքները 9—13-րդ դարերում» և այլ ուսումնասիրություններ: